

註解傷寒論



注
解
傷
寒
論
十
卷

四部叢刊初編子部

上海商務印書館縮
印明嘉靖乙巳刊本

新刻傷寒論序

傷寒論爲文簡嚴而寓意淵奧離爲六經法有詳畧詳者義例甄明非長餘也畧者指趣該洽非闕落也散之若截然殊科融之則約于一貫顧讀而用之者何如耳儒者既不暇讀醫流又鮮能讀是以微辭要義秘而不宣至謂此非全書直欲分門平敘續臆說以爲奇雜群方而云備使礦鑠合冶貂犬同裘如活人殺車等書皆仲景之螟螣也余觀成氏注蓋能獨究遺經與之終始多所發明間雖依文順釋如傳大將之令於三軍不敢妄爲增易聽者惟謹行自得之其有功於是書不淺也顧世未有遺其聲而徒逐其響者於是論注同湮惜哉夫醫流相沿如是則無望其出神奇以上契千載之妙用不幸有得是疾而能逃醫僂於喉吻者其幾人哉余里人汪

君處敬爲是愍惻務購善本反復校讐懼其傳之不遠也則遂鋟刻以爲公噫醫之素問靈樞視儒之六經若傷寒論可視語孟六經語孟之書具存非讀之不能曉析而司活民之寄者顧有舍之而忍其溝壑之盈至如此書世既罕見卒讀而通之不易矧非有活人之心之爲異豈不遠哉余故竊有感焉而爲之序

嘉靖二十四年歲在乙巳夏六月望歙嚴鎮
呂濱鄭佐書

註解傷寒論序

夫前聖有作後必有繼而述之者則其教乃得著于世矣醫之道源自炎黃以至神之妙始興經方繼而伊尹以元聖之才撰成湯液俾黎庶之疾疚咸遂燭除使萬代之生靈普蒙拯濟後漢張仲景又廣湯液爲傷寒卒病論十數卷然後醫方大備茲先聖後聖若合符節至晉大醫令王叔和以仲景之書撰次成叙得爲完秩昔人以仲景方一部爲衆方之祖蓋能繼述先聖之所作迄今千有餘年不墜於地者又得王氏闡明之力也傷寒論十卷其言精而奧其法簡而詳非寡聞淺見所能賸究後雖有學者又各自名家未見發明僕忝醫業自幼徂老耽味仲景之書五十餘年矣雖粗得其門而近升乎堂然未入於室常爲之憮然昨者解后聊攝成公議論該博術業精通而有家學註成傷寒十卷出以示僕其三百九十七法之內分析異同彰明隱奧調陳脉理區別陰陽使表裏以昭然俾汗下而灼見百一十二方之後通明名號之由彰顯藥性之主十劑輕重之攸分七精制用之斯見別氣味之所宜明補瀉之所適又皆引內經

旁牽衆說方法之辨莫不允當寔前賢所未言後學所未識是得仲景之深意者也昔所謂憮然者今悉達其奧矣親觀其書誠難默然不揆荒蕪聊序其畧時甲子中秋日洛陽嚴器之序

傷寒論序

夫傷寒論蓋祖述大聖人之意諸家莫其倫擬故
晉皇甫謐序甲乙鍼經云伊尹以元聖之才撰用
神農本草以為湯液漢張仲景論廣湯液為十數
卷用之多驗近世太醫令王叔和撰次仲景遺論
其精皆可施用是仲景本伊尹之法伊尹本神農
之經得不謂祖述大聖人之意乎張仲景漢書無
傳見名醫錄云南陽人名機仲景乃其字也舉孝
廉官至長沙太守始受術於同郡張伯祖時人言
識用精微過其師所著論其言精而奧其法簡而
詳非淺聞寡見者所能及自仲景于今八百餘年
惟王叔和能學之其間如葛洪陶景明徐之才
孫思邈輩非不才也但各自名家而不能循明之
開寶中節度使高繼沖曾編錄進上其文理舛錯
未嘗考正歷代雖藏之書府亦關於訛校是使治
病之流舉天下無或知者國家詔儒臣校正醫書
臣竒績被其選以為百病之急無急於傷寒今先
校定張仲景傷寒論十卷總二十二篇證外合三
百九十七法除複重定有一百一十二方今請頒
行太子右贊善大夫臣高保衡尚書屯田員外郎

臣孫奇尚書司封郎中祕閣校理臣林億等謹上

國子監

准尚書禮部元祐三年八月八日符。元祐三年八月七日酉時。准都省送下。當月六日。

勅中書省勘會。下項醫書冊數重大。紙墨價高。民間難以買置。八月一日奉。

聖旨。令國子監別作小字雕印。內有浙路小字本者。令所屬官司校對。別無差錯。即摹印雕版。並候了日。廣行印造。只收官紙工墨本價。許民間請買。仍送諸路出賣。奉。

勅如右。牒到奉行前批。八月七日未時。付禮部施行。續准禮部符。元祐三年九月二十日。准。

都省送下。當月十七日。

勅中書省尚書省。送到國子監狀。據書庫狀。准。

朝旨。雕印小字傷寒論等醫書出賣。契勘工錢。約支用五千餘貫。未委於是何官錢支給。應副使用。本監比欲依雕四子等體例。於書庫賣書錢內借支。又緣所降。

朝旨。候雕造了日。令只收官紙工墨本價。即別不收息。慮日後難以撥還。欲乞。

朝廷特賜。應副上件錢數支使。候指揮。尚書省勘。

當欲用本監見在賣書錢。候將來成書出賣。每部只收息壹分。餘依元降指揮。奉。

聖旨。依國子監主者。一依。

勅命指揮施行。

治平二年二月四日

進呈。奉。

聖旨。鑄版施行。

朝奉郎守太子右贊善大夫同校正醫書飛

騎尉賜緋魚袋臣高保衡

宣德郎守尚書都官員外郎同校正醫書騎

都尉臣孫奇

朝奉郎守尚書司封郎中充祕閣校理判登

聞檢院護軍賜緋魚袋臣林億

翰林學士朝散大夫給事中知制誥充史館修

撰宗正寺脩玉牒官兼判太常寺兼禮儀

事兼判祕閣祕書省同提舉集禧觀公事

兼提舉校正醫書所輕車都尉汝南郡開

國侯食邑一千三百戶賜紫金魚袋臣范

鎮

推忠協謀佐理功臣金紫光祿大夫行尚書吏

部侍郎叅知政事柱國天水郡開國公食

邑三千戶食實封八百戶臣趙鏐

推忠協謀佐理功臣金紫光祿大夫行尚書吏

部侍郎叅知政事柱國樂安郡開國公食

邑二千八百戶食實封八百戶臣歐陽脩

推忠協謀同德佐理功臣特進行中書侍郎兼

戶部尚書同中書門下平章事集賢殿大

學士上柱國廬陵郡開國公食邑七千一

百戶食實封二千二百戶臣曾公亮

推忠協謀同德守正佐理功臣開府儀同三司

行尚書右僕射兼門下侍郎同中書門下

平章事昭文館大學士監脩國史兼譯經

潤文使上柱國衛國公食邑一萬七百萬

食實封三千八百戶臣韓琦

知兗州錄事參軍監國子監書庫臣郭直卿

奉議郎國子監主簿雲騎尉臣孫準

朝奉郎行國子監丞上騎都尉賜緋魚袋臣

何宗元

朝奉郎守國子司業輕車都尉賜緋魚袋臣

豐稷

朝請郎守國子司業上輕車都尉賜緋魚袋

臣盛僑

朝請大夫試國子祭酒直集賢院兼徐王府

翊善護軍臣鄭穆

中大夫守尚書右丞上輕車都尉保定縣開國

男食邑三百戶賜紫金魚袋臣胡宗愈

中大夫守尚書左丞上護軍太原郡開國侯食

邑一千八百戶食實封二百戶賜紫金魚

袋臣王存

中大夫守中書侍郎護軍彭城郡開國侯食邑

一千一百戶食實封二百戶賜紫金魚袋

臣劉摯

正議大夫守門下侍郎上柱國樂安郡開國公

食邑四千戶食實封九百戶臣孫固

太中大夫守尚書右僕射兼中書侍郎上柱國

高平郡開國侯食邑一千六百戶食實封

五百戶臣范純仁

太中大夫守尚書左僕射兼門下侍郎上柱國

汲郡開國公食邑二千九百戶食實封六

百戶臣呂大防

傷寒卒病論集

論曰。余每覽越人入虢之診。望齊侯之色。未嘗不慨然歎其才秀也。怪當今居世之士。曾不留神醫藥。精究方術。上以療君親之疾。下以救貧賤之厄。中以保身長全。以養其生。但競逐榮勢。企踵權豪。孜孜汲汲。惟名利是務。崇飾其末。忽棄其本。華其外。而悴其內。皮之不存。毛將安附焉。卒然遭邪風之氣。嬰非常之疾。患及禍至。而方震懼。降志屈節。欽望巫祝。告窮歸天。束手受敗。賁百年之壽命。持至貴之重器。委付凡醫。恣其所措。咄嗟嗚呼。厥身已斃。神明消滅。變為異物。幽潛重泉。徒為啼泣。痛夫。舉世昏迷。莫能覺悟。不惜其命。若是輕生。彼何榮勢之云哉。而進不能愛人。知人。退不能愛身。知己。遇災值禍。身居厄地。蒙蒙昧昧。蠢若遊魂。哀乎。趨世之士。馳競浮華。不固根本。忘軀徇物。危若冰谷。至於於是也。余宗族素多。向餘二百。建安紀年以來。猶未十稔。其死亡者。三分有二。傷寒十居其七。感往昔之淪喪。傷橫夭之莫救。乃勤求古訓。博采衆方。撰用素問。九卷。八十一難。陰陽大論。胎臚藥錄。并平脉辨證。為傷寒雜病論合十六卷。雖未能

盡愈諸病。庶可以見病知源。若能尋余所集。思過半矣。夫天布五行。以運萬類。人稟五常。以有五藏。經絡府俞。陰陽會通。玄冥幽微。變化難極。自非才高識妙。豈能探其理致哉。上古有神農黃帝岐伯。伯高雷公少俞。少師仲文。中世有長桑扁鵲。漢有公乘陽慶及倉公。下此以往。未之聞也。觀今之醫。不念思求經旨。以演其所知。各承家技。終始順舊。省疾問病。務在口給。相對斯須。便處湯藥。按寸不及尺。握手不及足。人迎跌陽三部不參。動數發息不滿五十。短期未知決診。九候曾無參差。明堂關庭。盡不見察。所謂窺管而已。夫欲視死別生。實為難矣。孔子云。生而知之者上。學則亞之。多聞博識。知之次也。余宿尚方術。請事斯語。

傷寒論十卷目錄

卷之一

辨脈法

平脈法

卷之二

傷寒例

辨瘧濕暍脈證

辨太陽病脈證并治上

卷之三

辨太陽病脈證并治中

卷之四

辨太陽病脈證并治下

卷之五

辨陽明病脈證并治

辨少陽病脈證并治

卷之六

辨太陰病脈證并治

辨少陰病脈證并治

辨厥陰病脈證并治

卷之七

辨霍亂病脉證并治

辨陰陽易差病脉證并治

辨不可發汗病脉證并治

辨可發汗病脉證并治

卷之八

辨發汗後病脉證并治

辨不可吐

辨可吐

卷之九

辨不可下病脉證并治

辨可下病脉證并治

卷之十

辨發汗吐下後病脉證并治

傷寒論目錄終

傷寒論藥方目錄

卷第一

無方

卷第二

方六道

桂枝湯

桂枝二越婢一湯

甘草乾薑湯

芍藥甘草湯

調胃承氣湯

四逆湯

卷第三

方二十七道

葛根湯

葛根黃芩黃連湯

麻黃湯

大青龍湯

小青龍湯

乾薑附子湯

麻黃杏仁甘草石膏湯

桂枝甘草湯

茯苓桂枝甘草大棗湯

厚朴生薑半夏甘草人參湯

茯苓桂枝白朮甘草湯

芍藥甘草附子湯

茯苓四逆湯

五苓散

茯苓甘草湯

梔子豉湯

梔子厚朴湯

梔子乾薑湯

小柴胡湯

小建中湯

大柴胡湯

桃核承氣湯

柴胡加龍骨牡蠣湯

救逆湯

桂枝甘草龍骨牡蠣湯

抵當湯

抵當丸

卷第四

方一十九道

大陷胃丸

大陷胃湯

小陷胃湯

文蛤散

白散

柴胡桂枝乾薑湯

半夏瀉心湯

十棗湯

大黃黃連瀉心湯

赤石脂禹餘糧湯

旋覆代赭石湯

桂枝人參湯

瓜蒂散

黃芩湯

黃連湯

桂枝附子湯

甘草附子湯

白虎湯

炙甘草湯

卷第五

方十道

大承氣湯

小承氣湯

猪苓湯

蜜煎導方

猪膽汁方

茵陳蒿湯

吳茱萸湯

麻仁丸

梔子蘗皮湯

麻黃連軀赤小豆湯

卷第六

方二十道

麻黃附子細辛湯

麻黃附子甘草湯

黃連阿膠湯

附子湯

桃花湯

猪膚湯

甘草湯

桔梗湯

苦酒湯

半夏散及湯

白通湯

白通加猪膽汁湯

真武湯

通脉四逆湯

四逆散

烏梅丸

當歸四逆湯

麻黃升麻湯

乾薑黃芩黃連人參湯

白頭翁湯

卷第七

方五道

理中丸 理中湯附

燒裨散

枳實梔子湯

牡蠣澤瀉散

竹葉石膏湯

卷第八

無方

卷第九

無方

卷第十

無方

此下二十五方雖於隨證下有之緣多以加減爲文似未詳倫故復載方在末卷

桂枝加葛根湯

桂枝加厚朴杏子湯

桂枝加附子湯木屑湯附

桂枝去芍藥湯

桂枝去芍藥加附子湯

桂枝麻黃各半湯

桂枝二麻黃一湯

白虎加人參湯

桂枝去桂加茯苓白朮湯

葛根加半夏湯

桂枝加芍藥生薑人參新加湯

梔子甘草豉湯

梔子生薑豉湯

柴胡加芒硝湯

桂枝加桂湯

柴胡桂枝湯

附子瀉心湯

生薑瀉心湯

甘草瀉心湯

黃芩加半夏生薑湯

桂枝加大黃湯

桂枝加芍藥湯

四逆加吳茱萸生薑湯

四逆加人參湯

四逆加猪膽汁湯

已上十卷內計方一百一十二道

此經方劑並按古法鎔銖分兩與今不同謂如咬咀者即今之剉如麻豆大是也云一升者即今之大白蓋也云銖者六銖爲一分即二錢半也二十四銖爲一兩也云三兩者即今之一兩云二兩即

今之六錢半也料例大者只合三分之一足矣


歙巖鎮汪氏
主一齋校刊

傷寒論藥方目錄終

圖解運氣圖

經曰夫天地之氣勝復之作不形於證診脉法曰天地之變無以脉診此之謂也右曰隨其氣所在期於左右從其氣則和違其氣則病迭移其位者病失守其位者危寸尺交反者死陰陽交者死經曰夫陰陽交者謂歲當陽在左而反於右謂歲當陰在右而反於左左交者死若左右獨然非交是謂不應惟寅申巳亥辰戌丑未八年有應也謂寸尺反者死謂歲當陰在寸而反見於尺謂歲當陽在尺而反見於寸若寸尺反者死若寸尺獨然非反見謂不應唯子午卯酉四年應之今依夫素問正經直言圖局又言脉法先立其年以知其氣左右應見然後乃言死生也凡三陰司天在泉上下南北二政或右兩手寸尺不相應皆為脉沉下者仰手而沉覆手則沉為浮細大者也若不明此法如過淵海問津豈不愚乎區區白首不能曉明也况因旬月邪僕亦留入式之法加臨五運六氣三陰三陽標本南北之政司天在泉主病立成圖局易曉其義又何不達於聖意哉

脉天司陰三政北 厥陰 少陰 太陰 壬戌寅 丙午午 右手 尺不應 寸不應 脉天司陰三政北 太陽 厥陰 少陰 癸巳亥 乙未午 右手 尺不應 寸不應	脉泉在陰三政南 尺不應 寸不應 甲申申 甲寅寅 少陰 厥陰 太陽 脉泉在陰三政南 尺不應 寸不應 甲辰辰 甲戌戌 少陰 太陰 少陰	脉天司陰三政南 少陽 太陰 少陰 己丑丑 己未未 右手 寸不應 寸不應 脉泉在陰三政南 尺不應 寸不應 己卯卯 己酉酉 厥陰 少陰 太陰	脉天司陰三政南 太陰 少陰 厥陰 甲子子 甲午午 右手 寸不應 寸不應 脉天司陰三政南 少陰 厥陰 太陰 己巳巳 己亥亥 右手 寸不應 寸不應
死交脉陽陰政南 少陽 太陰 少陰 己丑丑 己未未 交天左 死交脉陽陰政南 太陰 少陰 厥陰 甲子子 甲午午 交天左	死交脉陽陰政南 交地左 己未未 己丑丑 厥陰 太陽 陽明 死交脉陽陰政南 交地左 甲申申 甲寅寅 少陰 厥陰 大陽	脉泉在陰三政北 寸不應 寸不應 庚寅寅 丙戌戌 少陰 厥陰 太陽 脉泉在陰三政北 寸不應 寸不應 壬辰辰 丙戌戌 少陽 太陰 少陰	脉天司陰三政北 少陽 太陰 少陰 乙辛子 癸丑未 左手 尺不應 尺不應 脉泉在陰三政北 寸不應 寸不應 癸卯酉 乙辛子 厥陰 少陰 太陰



運氣加臨汗差經掌之圖 運氣加臨汗差經掌之圖

